

Kontuola

ANTZUOLA / Egubakoitza / 2002ko uztailaren 24a / 123. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

ANAJE NARBAIZA/ELAY-KO EUSKARA BATZORDEKO IDAZKARIA

“Langileen aldetik gogo eta borondate handia egon da euskara ikasi eta praktikan jartzeko”

AINZANE IRIZAR

Aurten bete dira 10 urte Elayk euskara plangintza abian jarri zuela. Urteurren horrekin batera, Guk Zerbitzua eta Lana Euskaraz ziurtagiria eman dio Kontseiluak. Anaje Narbaizarekin berba egin dugu horren gainean.

Kontseiluak eman dizuen ziurtagiri horrek zer esan nahi du?

Zerbitzuari dagokionez, zerbitzu hori euskaraz emateko prest gaudela. Kanpora begirako harremanak, batez ere, hornitzaileekin dauzkagu; hornitzailea euskalduna baldin bada, harreman horiek euskaraz egiten ditugu. Lanari dagokionez, barruko ekoizpena euskaraz egiteko prest gaudela esan nahi du.

Lana euskaraz egiteak, beraz, langile gehienak euskal hiztunak direla esan nahi du?

Bai, langile gehienak gara euskal hiztunak, eta erabilera maila ere handia da. Hala ere, badaude euskaraz ez dakitenak eta dago-



ARTXIBOA

eneko ikasiko ez dutenak edade-tuak direlako. 280 langiletik hamahiru langile daude euskaraz ez dakitenak. Langile horiek guztiz errespetatzen ditugu. Dena

dela, enpresaren bilakaeran gero eta normaltasun handiagoarekin aurre egiten diogu euskarari; beraz, gero eta normalagoa da enpresan euskaraz egitea.

Euskaraz plangintza abian jarri zenutela hamar urte bete dira aurten. Zela aldatu da ordutik zuen egoera?

Orain dela hamar urte gazte-

leraz lan egiten genuen; orain, berriz, euskaraz. Oraindik ez dugu guztiz lortu euskaraz lan egitea, baina, nolabait, euskal hiztunok, ahal dugun neurrian, euskaraz lan egiten dugu. Dena dela, muga batzuk badauzkagu: euskararen egoerari dagokionez, ingurua eta gizartea aldatzen ez doazen bitartean, guk ere ezin dugu urrats gehiago eman. Hori xe da gakoa: gu prestatuta gaude euskaraz lan egiteko eta zerbitzua euskaraz eskaintzeko, baina gizarteko mugak hortxe daude. **Zelakoa izan da hamar urte hauetako prozesua?**

Langileen aldetik gogo eta borondate handia egon da; ordu asko sartu dituzte euskara ikaste eta ikasitakoa praktikan jartzeko. Eta, bestetik, enpresaren beraren lana; diru mordera inbertitu du plangintza horretan eta plangintzari laguntza handia eman dio. Hasiara-hasieratik erakutsi zuen proiektuarekiko konfiantza enpresak. Gainera, aitzindari izan ginen horrelako plangintza bat abian jartzen; Elhuyarrekin lankidetzan jardun dugu proiektuan lanean.



Trekutz, zikin-zikin eginda

Bizilagun batek eman zigun abisua, Trekutzeko zelaiak zikin-zikin eginda zeudela esanez. Plastikozko poltsak eta platerak, botila hutsak eta bestelako hainbat zikin-keria topatu genituen. Badi-rudi kanpaldia egin zuela han kanpoko gazte koadrila batek. Ez da, gainera, hori gertatzen den lehen aldia. Sortutako zikin-keria guztia poltsa baten hartu eta eramatea ere ez da, bada, askorik kostatzen! Egubakoitz arratsaldean herritar batek garbitu zuen inguru guztia. /A.I.

LABUR

Tonbolako hainbat opari saridunen zain daude

Anelkarrek, jaietan jarritako tonbolan, txartel guztiak saldu zituen. 1.500 bat sari banatu zituen egubakoitzean eta zapatuan. Sari potoloenak, baina, azkeneko egunean zozkatu zituzten. Hona hemen zenbaki saridunak: 8.069 (bizikleta), 11.742 (hozkailla), 10.000 (kanpadenda), 9.116 (eskuko erlojua) eta 12.304 (erlojua). Era berean, hainbat sari sorta ere zozketatu zituzten; hona hemen zenbakiak: 12.075, 8.084, 8.465, 9.994 eta 5.697, hain zuzen ere.

Ekitaldi berriak izan dira nagusi jaietan

Zeruari begira geunden antzuolarrok jaiak hasi aurretik; baina tanta batzuk egin dituen arren, eguraldia lagun izan dugula esan genezake.

Mairuaren Alardean ere bazirudien euria egingo zigula, baina azkenean, ateri egin zuen zapatu arratsaldean.

BERRITASUNEK ARRAKASTA IZAN DUTE Hainbat berritasun izan ditugu aurtengo jaietan: alde batetik, Anelkar taldeak tonbola jarri du plazan, eta izugarritzko arrakasta izan du; hango txartel, opari eta jende ilarak!

Gazte Asanbladak antolatutako Herrien Arteko Kirol Txapelketak ere ez zuen arrakasta txi-

Tanta batzuk egin dituen arren, eguraldia lagun izan dugula esan genezake

kiagoa izan; Zurrategi plaza bete egin zen zapatu arratsaldean herri kirol lehiaketa ikustera batutako jendearekin. Antzuolarrez gainera, Etxarri-Aranaztik, Aiheratik eta Osintxutik etorritako lagun koadrilek giro ezin hobea jarri zuten.

Gisatu Txapelketa ere antolatu du Udalak, lehenengo aldiz.

Herriko bost elkartek parte hartu zuten egubakoitz arratsaldean Gisatu Txapelketa horretan, eta jende ugari hurbildu zen gisatuen itxura gertutik ikustera.

Badirudi, hortaz, jendeak eskertzen dituela antolatzen dituzten ekitaldi berriak.

ARGAZKIAK: AINTZANE IRIZAR
ETA NEREA MAKAZAGA



Gerizpe bila ibili ziren egueneko herri bazkarian parte hartu zuten neska-mutikoak.



Zinegotzien eta dantzarien dantza saioarekin hasi ziren jaiak.



Izugarritzko arrakasta izan zuen Anelkarren tonbolak, eta sari guztiak banatu zituzten.



Eguraldiak ere lagundu zuen, eta iaz baino jende gehiago batu zen Mairuaren Alardea ikusteko.

DEKORAZIOA
ABAD
PINTURAK
ANTZUOLA
PAPER PINTATUAK

Jose
Gomez
Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

INDUSTRI MANTENIMENDUA

HARIZKI

MUEBLES
IGEA

Sukalderako eta
bainurako altzariak
Altzari rustikoetan
espezializatuak


Zurrategi plaza 4, behea. ANTZUOLA. Tel. eta faxa 943 78 71 80



ETXARRIARRAK NAGUSI Aiherrako, Osintxuko, Etxarri-Aranazko eta Antzuolako taldeak aritu ziren norgehiagoka zapatu arratsaldean. Arrakasta itzela izan zuen Gazte Asanbladak antolatutako Herri Kirol Txapelketak, eta giro ona izan zen nagusi; Zurragi lepo bete zen. Azkenean, etxarriarrak nagusitu ziren; osintxuarrak eta antzuolarrak bigarren geratu ziren, puntu bereberekin, eta Aiherrakoak azkeneko tokian.



GISATU TXAPELKETA Herriko bost elkarte parte hartu zuten egubakoitz arratsaldean plazan jokatu zen Gisatu Txapelketan. Trekutz elkarteko Gregorio Madariagak eta Ildefonso Garciak jantzi zuten txapela. Epaimahaia ez zen nolana hikoia izan: Juanita Urbistondo, Mari Kruz Lezeta eta Angeles Arin sukaldariak osatu zuten. Haien esanetan, ez zuten lan erraza izan, maila bikaina erakutsi zuten eta sukaldariak.




lzerdi ederrak bota zituzten umek jolasparkean; egubakoitzean, egun osoan.



Urteroko ohiturari jarraituz, jendeak ez zion hutsik egin domekako herri bazkariari.



Domeka arratsaldeari erritmo bizia jarri zion Jata Malanga perkusio taldeak.



Z *Zabalo Iturgintza S.L.*
Bidea eginez

Tailerra: Uzarraga bidea, 10. Antzuola. Tf. 943 78 71 78
Erakusketa: Kalebarren, 1. Antzuola. Tf. 943 78 71 79, Tf. eta F. 943 76 64 73

- Gasa
- Berogailuak
- Haire egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan DIBaren bidez
- Birgaitze-espeditentak bideratzen ditugu

MUJKA HARATEGIA



**Berezitasunak:
Etxean hazitako zekorrek eta oilaskoak**

Kalebarren, 1.
ANTZUOLA
Tf. 943 76 64 34

**LEKY-BERRI
MERENDEROA**

Janariak
eta
edariak

Tf. 943 76 60 94
ANTZUOLA